

INUIT ATAQATIGIIT

Inatsisartuni



UPA 2019/21
26.03.19.
Peter Olsen

Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019imeersoq (Suliariumannittussarsiuussisarnermut maalaaruteqartarneq pillugu aalajangersakkat allanngortinneqarnerat)

(Ineqarnermut Attaveqaqatigiinnermullu Naalakkersuisoq)

Ineqarnermut Attaveqaqatigiinnermullu Naalakkersuisup Naalakkersuisut sinnnerlugit allannguutissatut siunnersuutaanut qulaani pineqartumut qujalluta, matumuuna Inuit Ataqatigiinniit imaattumik oqaaseqaateqassaagut.

Soorlu Naalakkersuisup nammineerluni saqqummiinermi oqaatigereeraa; illuliortiternermi sanaartornermilu Neqerooruteqartitsisarnermi Maalaaruteqartarfik pioreerpoq. Neqerooruteqartitsisarnermi Maalaaruteqartarfik taanna illuliortiternermi sanaartornermilu neqerooruteqartitsisarneq pillugu Inatsisartut inatsisaat, naatsumik oqaatigalugu neqerooruteqartarnermut inatsit naapertorlugu pilersinneqarsimalluni.

Taamaattumik Naalakkersuisut siunnersuutigaa, neqerooruteqartarnermut inatsimmi maalaaruteqarsinnaanermut aalajangersakkat neqerooruteqartarnermut inatsimmit peerneqassasut. Tassunga taarsiullugu illuliortiternermi sanaartornermilu suliariumannittussarsiuussisarnerit il.il. pillugit maalaarutit Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaat nutaaq aqutigalugu maleruagassiuunneqassapput.

Allannguutissatut siunnersuutip saqqummiunneqarneratigut § 27-miit § 34-mut §-it pineqartut peerneqartussanngorlutik.

Inatsisissap allannguutissaa manna pineqartoq tusarniaassutigineqarsimavoq, tusarniaanerlu ajunngitsumik ingerlasimatut Inuit Ataqatigiinniit nalilerparput.

Taamaattumik annerusumik oqaaseqarfigeqqinnagu Naalakkersuisut allannguutissatut siunnersuutaat taamatut isikkoqartillugu Inuit Ataqatigiinnit akuersaarparput.

Qujanaq

Peter Olsen